



ATA OFISIAL DI INKONTRU REUNION DI KUMITE SKULAR DI BOSTON

kuarta-fera, 8 di Junhu di 2022

Kumité skular di Boston rializa um riunion rimota dia 8 di Junhu di 2022 ,17 ora na Zoom. Pa mais informason sobri kualker un di kes itens listadus dibaixu, vizita www.bostonpublicschools.org/schoolcommittee, e-mail feedback@bostonpublicschools.org ô tilifona pa o skritóriu di Kumité skular di Boston pa (617) 635-9014.

FREKUENSIA

Membrus di kumité skular Presentis: Prizidenti Jeri Robinson; Visi-Prizidenti Michael D. O'Neill; Dr. Stephen Alkins; Brandon Cardet-Hernandez; Rafaela Polanco Garcia; Quoc Tran; y riprizentanti Studantil Xyra Mercer.

Menbru di Kumité Skular Auzenti: Lorena Lopera.

DUKUMENTUS APREZENTADUS

Ajenda

Ata di Riunion: 25 di Maiu, 2022

Kartas di akordu lokal 8751 di United Steelworkers e solisitason di apropiason suplementar pa FY23 Powerpoint

DRAFT Kartas lateral A y B 2022

Motorista di autokarus Transdev MOA

Renovason di skolas di Inuvason

Planu di Inuvason Burke HS BPS

Burke Innovation Avaliasion anual

Deklarasons di inpaktu di Burke Equity

Reunion rimotu di kumite Skular di Boston
Zoom

kuarta-fera, 8 di Junhu di 2022

Eliot K-8 Karta di aprezentason di pruposta di inuvason

Aprizentason Eliot K-8 Innovation School

Eliot K8 Innovation Planu 2023

Avaliason anual Eliot K8 Innovation Schools

Skóla Eliot K-8 Deklarason di inpaktu di ikuidadi

Planu di Holmes Innovation

Holmes Avaliason anual

Holmes Equity Deklarason di ikuidadi

Memo di kapa di planu di Muñiz Innovation

Karta di aprezentason di pruposta di inuvason di Muñiz Academy

Margarita Muniz Aprizentason

Planu di ason di Muñiz Innovation

Planu di Muñiz Innovation

Muniz Avaliason anual

Muniz Equity deklarason di inpaktu

Winthrop Elementary School Planu di Inuvason

Avaliason anual di Winthrop Elementary School

Winthrop Equity deklarason di inpaktu

PIDIDU DI ORDI

Prizidenti Jeri Robinson konvoka un riuniaon y el lidera un juramentu di lieldadi A Sra. Sullivan Txoma psoal. Sra. Lopera, Sra. Mercer, Sr. O'Neill ka stevi prezentia (Sra. Mercer djunta a runion mas tardi; Sr. O'Neill djunta a seson izekutivu en kursu). Tudu kes otus membrus staba prizenti.

Aprovadu -En xamada numinal, Kumite aprova pur unanimidadi un monson di adiamentu di seson izekutivu pa konduzi un seson stratéjiku relasionadu ku papel di Kumite na Negosiason kolektivu entri se kontratanti, Transdev y United Steelworkers Local 8751.

Reunion rimotu di kumite Skular di Boston Zoom

kuarta-fera, 8 di Junhu di 2022

Sra. Robinson anunsia ki Kumite ta voltaba pa seson publiku.

Pa 17h55, Kumité volta a seson publiku. Sra. Robinson fla ki riunion di oji di noiti staba ta ser transmitida en diréto na Zoom. Ta ser ritransmitidu na TV di sidadi di Boston. També ta ser publikadu na bostonpublicschools.org/schoolcommittee e na YouTube. E anusiaba ma staba dispuniel sirvisus di interpretason simultânia na spanhol, kriolu haitiano, Kabuverdianu , vietnamita, kantonês, mandarim, e língua jestual amerikanu (ASL). intérpretis presenta sés kabesa y es da instrusom na sés línga nativa sobri modi kes ta asesu interpretasom simultânia através di mudansa di kanal Zoom. Dokumentus traduzidus di reunion sta postadu na www.bostonpublicschools.org/schoolcommittee antes di inisio di riunion.

APRESENTASON DI SITASON

Prezidenti Robinson apresenta sitasons a sigintis Skolas Publiku di Boston ki gradua menbrus sénior di Konsehu konsultivu di Alunus di Boston (BSAC):

- Anisa Adawe, Burke High School
- Lana Chan, Boston Latin School
- Josiehanna Colon, New Mission High School
- Olga Gjika, Excel High School
- Ajanee Igharo, Boston Latin Academy
- Tiffany Luo, Boston Latin School
- Wellington Matos, Fenway High School
- Hazel McLaughlin, Snowden International High School
- Thy Nguyen, Excel High School
- Stacy Tran, Dearborn 6-12 STEM Academy

Kumité da agradesimentus spesial a reprezentanti studantil Xyra Mercer, ki sta ta forma na Henderson K-12 Inclusion School.

APROVASOM DI ATA DI RIUNION

Aprovadu - pa xamada nominal, kumité aprova pa unanimidadi ata di riunion di kumite skular di 25 di Maiu di 2022.

RILATÓRIU

Atualizason di Prusesu di Prokura di Suprintendenti - Prezidenti Robinson anunsia ki Kumite ta binha ajusta orden di dia pa resebi un atualizason di prusesu di prokura di superintendenti na inisio di noti. Superintendenti Cassellius sai di runion y volta e djunta imediatamenti dipos di atualizason di peskiza.

**Reunion rimotu di kumite Skular di Boston
Zoom**

kuarta-fera, 8 di Junhu di 2022

Prezidenti Robinson fla ma Kumite di Prokura di Superitendenti riuni duranti dos dia kel semana li na seson izekutivu pa kontinua ta intrevista kandidatus pa kargu di Superitendenti. Kumite di peskiza dja konpleta gosi kel ronda di intrevista li y sa plania riuni otu bes en seson izekutivu pa kontinua kel prusesu li. Es kontinua na bon kaminhu pa sesiona 2-3 kandidatus final a rekomenda Kumité Skular pa konsiderason, un bes konkluidu ses intrevistas y deliberasons, y permiti verifikason di antisedentis, verifikason di kredensial, etc. Un bes ku prusesu terminadu y finalizadu ses rekomendasons, Kumite di peskiza ta ben ten konkluidu se tarefa.

Ku bazi na feedback di ko-prezidentis di Kumité di Peskiza, Kumite Skular ta spera sta en kondisons di divulga publikamenti nomis di finalistas na algun mumentu duranti semana di 13 ou di 20 di Junhu. Kumite di Skola ta ben rializa nton tres dias di intrevista publikus ki ta inklui painel di diskuson ku grupus di interesadus na Zoom ku interpretason, ben komu intrevistas prezensial di Kumité Skular.

Un bes anunsiadus kandidatus, Kumite preve rializason di intrevistas publikus na semana di 21 di Junhu, sigidu di un votason final na un runion spesial di Kumite Skular na kuartafera 29 di Junhu.

Sr. O'Neill, ki ta fazi parti di kumite di buska di superitendenti, fla ma ta izisti un forti diversidadi étnika y di jéneru, sima kunhesimentus sobri Boston na lista di kandidatus.

Sra. Robinson konvida kualker alguen interesadu na partisipa na un seson di painel a kontakta, ta akresenta ki detalhis ta ben ser publikadus na site di BPS.

Dr. Alkins y Sr. Cardet-Hernandez pergunta sobri pusibilidadadi di nomeia un superitendenti interinu. Sra. Robinson fla me sta ta trabadja ku ikipa di lideransa sénior di Superitendenti y otus pa identifika un resposta klaru. Sr. O'Neill sklaresi pa Sr. Cardet-Hernandez ki ta binha ser nese4sáriu un votu di Kumite pa numiason di un superitendenti interinu.

RELATÓRIU Di SUPERINTENDENTI

**Sima preparadu pa intrega.*

Obrigadu, Senhora Prisidenti, y obligadu pa tudu nhos ki sta ku nós hoji nés noti. Nteni alguns atualizasons kin kre partilha artis di nu mergudja na aprezentasons des noti. Nta gostaba di kumesa pa agradesi a menbrus di Kamara munisipal di Boston pur ter votadu pa aprova oji orsamentu di Skolas Publiku di Boston di \$1.33 bilhon pa FY23. Nkre rekunhesi trabadju ardu di veriadora Tania Fernandes Anderson pa se lideransa komu prezidenti di Kumite di Meius y Vias di Konselhu, un bes ki sidadi di Boston inplementa pa primeru bes un novu prusesu orsamental. E, klaru, tudu veriadoris pa apoiu a Skolas Publiku di Boston. Obrigadu pa prezidenti di kamara WU y se ikipa pa se inpenhu pa ku nos alunus y pa garanti di ki ten apoiu nesesáriu pa atinjin tudu se putensial. Pur ultimu, nkre aplaudi trabadju duru di ikipa orsamental di BPS: Diretor Finanseru Nate Kuder, Subdiretor Finanseru david Bloom y ses ikipas duranti inumerus oras ki dedikadu a preparason di kel orsamentu li y se pastoreiu a longu di prusesu.

**Reunion rimotu di kumite Skular di Boston
Zoom**

kuarta-fera, 8 di Junhu di 2022

A midida ki nos alunus y familias kontinua ta rekupera di pandimia, kel orsamentu li ra refleto nos konpromisu komun di furnesi tau nesesaríu apoiu studantil y familiar; akad+emikus fortis y inkluzivus, y mas oportunitadís di idukason fizika, arti, múzika, y enrikesimentu akadémiku. Nu akresenta mas konselherus, finansiamentu pa apoiu implementason di nos novus rekizitus di graduason y psikólugus adisional. Keli ta ben djuda a ruinu nos ikipas di apoiu a Skolas Hub na nos skolas a aprosima di nos objetivu di un garanti di kualidadi pa kada alunu. Nsta spesialmenti intuzismadu pa lansa nos spanson di biblioteka ku 35 FTEs adisional nes Outonu. Alfabeizason e nos foku e ter un bibliotekáriu lisensiadu na kada skola e isensial pa proporsiona un ekselenti idukason. Finalmenti, kel orsamentu li tanbe ta apoiu resentimenti anunsiadu Green New Deal pa Skolas Publikus di Bostn, un parseria entri BPS y Sidadi di Boston ki ta ben asegura ki no alunus ten asesu a ambientis di aprendizajen, mudernus, linpus y akolhedoris. Nta ben papia mas sobri keli mas tardi na nhas observason. Mas un bes obrigadu a Kamara Munisipal pa se parseria kontinu na kel fazi li y na tantu otus kestons inportantis ki nos alunus y familias ta infrenta.

Semana pasadu, ntevi prazer di sta na BPS Valedictorian Luncheon na Fenway Park ku orezidenti di kamara Wu y prezidenti di kumite skular, Jeri Robinson, Sr. O'Neill, Sra. Polanco-Garcia, Sra. Lopera y Sr. Cardet-Hernandez. Nu onra 33 di nos alunus di liseu ku tudu orgulhozus amigus, familiaris y profesorís y ses lideris skular. Iventu foi presedidu pa Callie Crossley y lomta lui kumentárius di prezidenti di kamara, di Prezidenti Robinson, di nha kabesa y di Khadiza Akter, Sénior di Brighton High School, ki fla diskursu di dispidida. Foi otimo odja tudu rostu ku surizu inkunatu nu ta onraba kes alunus inkrikel li pa ses rializasons. Mi tanbe nsta paralen di orgulhu di kada un di nhos y nsta intuziasmadu pa ter odjadu a kaminha pa palku duranti prosimus semanas ku restanti di nhos turma di finalista!

Sobri kel mesmu asuntu li, nkria tanbe mensiona ki épuka di formatura sta entri nos! Nsta intuziasmadu pa selebra y omejania tudu nos inkrikel séniors ki pasa na es palku kel mes li. Kel ultimus anus li ten sidu txeu dezafianti pa tudu nhos, ,a si nhos persevera na tudu keli y konsigi txiga finalista! Nsta ansiozu pa sisti a tantus sirimónnia di finalista kuantu nha ajenda permiti. Inda onti min sisti serimonia di finalista di BCLA - parabens mas un bes ! nta spera ma tudu turma di 2022 orgulha di tudu ki fazi y di ki ta ben kontinua ta fazi dipos di finalista Seja kual for planu di dipos di finalista, nkre lenbra nhos di fazel ku tudu kuze ki nhos ten. Nhos vivi nhos sonhus y dexa nhos marka na mundu, ta divlvi a bu kumunidadi.

Falandu di Veron, nkria lenbra a tudu alguen ki ka e demaziadu tardi pa inskrevi nhos alunus pa alguns di nos munti oportunitadís di Veron. Nu sta otu bes ta furnesi un séri di prugramas pa ki alunus ten asesu a servisus di apoiu, inisiativas di rekuperason y aselerason akadémiku y otus atividadís di enrikesimentu, ben komu stájius remuneradu y oportunitadís di trabadju Kes prugramas li ta ben ser baziadus na skolas, na parserus y na atividadís, ta sirvi tudu bairus y ta oferesi un mistura di oportunitadís prezensial y remotu. Bu podi atxa mas infurmason y un lista kompletu di tudu oportunitadís di Veron dispunivel pa ses alunus na nos site na www.bostonpublicschools.org/summer.

Nten prazer di anuncia ki numiasons pa Prémíu Idukador di Anu 2022 sta gosi abertu! Tudu intervenientis di BPS, inkluidu profesorís, administradorís, paraprufisional, pesual skular, alunus, familias, menbrus di kumunidadi, y parserus, e konvidadus y inkorajadus a nomeia idukadorís exsepsional pa onra se devuson a se trabadju7.

**Reunion rimotu di kumite Skular di Boston
Zoom**

kuarta-fera, 8 di Junhu di 2022

Nos idukadoris ten pasadu pa munti kuza au longu di ultimus anus, y es meresi tudu nos apresu ki nu podi das! Favor vizita nos site na www.bostonpublicschools.org/eoy pa prienxi un furmuláriu di nomiason na un di nos 10 línguas BPS. Nomiasons ta ben ser inseradus na dia 31 di Julhu di 2022 17 ora.

Gosi ki djan partilha alguns destakis, nkre mergulha na alguns atualizasons kin ten pa nhos es noti. A poku tenpu atras, nu partilha un karta ku tudu familias y pesual di BPS ta anuncia ki kumison di Saúdi Publiku di Boston informa ki apartir di segunda-fera, 13 di Junhu, máskaras ta ben dexa di ser mestedu dentu di idifisius di BPS, indipendentimenti di stadu di vasinason. Kel disizon li ta bazia na tendensias dekresentis sustentadus na kazu di COVID-19 y ospitalizason. Apesar di ki maskaras ka ser mas nesesaris na nos idifisius, e inportanti nota kes ta fika komu opson pa alunus o prufsoris ki kre uzas. Maskara e un instrumentu inportanti pa manti nos skola y kumunidade di Boston en jeral en seguransa, pelu ki kualker alunus, tutoris ou staff ki skodji kontia ta uza maskara ta ben ser apoiadus nes xkolha. Nu sa ben kuintina ta fornese asesu a vasinason pa tudu alunus na distritu interu. Keli e um marku signifikativu pa distritu y pa sidadi interu, y min kre agradesi a tudu nos pesual pa sta na linha di frenti, y a nos familias y alunus pa apoiu y parseria kontinu pa asegura ki nos skola seja ambiente di aprendizajen segurus y saudável.

Sima e di nhos kunhesimentu na 12 di Maiu, prezidenti di kamara Wu anuncia un planu di \$2 bilhon pa revizon di instalason di BPS, inkluidu novus prujetus di konstruson y renovason, ben komu di atualizason a nível distrital. Komu lenbreti, menbrus di publikus e konvidadus a reve painel di bordu di idifisiu publiku disponibilizadu online na site di Green New Deal. Komu parti di planu, foi fetu investimentus pa kontratacion di novus menbrus di pesual pa poia izekuson di Green New Deal. Nu sta intuziasmadu di informa ki prusesu di kontratacion sta en kursu. Alen di keli, planu Green New Deal inklui tanbe un proposta di kombina algun di nos kumunidade skular mas pikinoti pa forma dos kampus skular. Nu kumesa ta konbersa ku kes kumunidade skular li y nkre lenbra tudu algen ki kes li e so prupostas. Ten munti detalhis ki nu ten ki diskubri na prosimus mes antis di trazi furmalmenti kes prupostas li a kumité skular na prósimu outonu. Nu ta akredita ki kes dos kampus skular li ta ben furnese garanti di kualidade ki tudu nos alunus meresi. Kes skolas li ta binha permiti operasons di konstruson mas ifisientis, liberta rekursus pa rienvisti na skolas, spandi oportunitades di enrikesimentu, y pruduze rezultadus mas fortis pa alunus. Nu sabi ki kualker mudansa podi ser difisil, y nu sta inpenhadus na trabadja ku kes kumunidade skular li duranti prósimus mes pa respondi un pruposta di modi ki ta binha funsionaba ses dos kampus skular. Nu taben bai kumite skular na fin des mes pa atualizas nhos ku mas infurmasons sobri tudu prujetus di Green New Deal pa BPS y aprezena nhos furmalmenti prupostas skular di dos kampus na Outonu di prósimu anu, dipos di munti mes di involvimentu ku familias y staff.

Nkria partilha un atualizason sobri relatóriu DESE. Multiplus ajensias di notisia relata ku presizon ki DESE partilha un prujetu di akordu pa ki Sidadi di Boston y BPS sina. Prezidenti Wu y se ikipa ten bindu a kulabora ku BPS pa respondi a pruposta DESE y pa asegura ki se atenson ta konsentra na nesesidades di aprendizajen akadémikus y susial y imusional di nos alunus. nkre agradesi menbrus di Kumite Skular ki peza sobri kes prupostas li y ki oferesi feedback a distritu y a Gabinete di Prezidenti di Kamara. Resentimenti, DESE akolhi lideris sénior di BPS y di ikipa di Prezidenti di kamara na se sedi pa diskuti kes dos prupostas. Diskusons foi kolaborativus y prufutivus. Nu ta spera ki nu ta ten mas pa atualiza kumunidade

**Reunion rimotu di kumite Skular di Boston
Zoom**

kuarta-fera, 8 di Junhu di 2022

na prósimus semanas. Min ta spera tanbe ki kualker akordu a ki nu txiga sta na árias spesifikus undi e nesesáriu midjoras kritikus, sima: idukason spesial, transportis, y integridadi di dadus, entri otus árias. Inkuantu nta kontinua orgulhozu di BPS y di tudu trabadju prinsipal ki nu implementa tudu dia, tanbe nsabi ma ten átias signifíkativus en ki midjora debi ser aseleradus através di asons transformasional. Nsta konfianti ki kaminhu a sigi e kel en ki nu ta inpenha na un parseria fukalizadu y stratéjiku ku DESE.

Pur fin, nkris partilha rapidamenti un atualizason en tornu di alguns priokupasons sérius ki foi fetu y lebadus a kunhesimentu di Kumité Skular durante periodu di kumentáriu publikus di nos ultimu runion. Nkre kumesa ta fla ki priokupasons manifestadus dja era di kunhesimentu di Distritu y ki dja nu tinha tomadu mididas en konfurmidadi ku nos protokolus, ki e reve alegasons, investiga fatus, y toma mididas kuretivas adekuadus se nesesáriu. Dadu ki alegasons involvidus na konduta di menbrus di pesual di BPS, y ki tal konkluzons y mididas di ason e infurmasons konfidensial di pesual, nka podi partilha kualker infurmason spesifiku nes mumentu. Nkre deklara taneb ki kandu nu resebi priokupasons ou alegasons durante kumentáriu publiku sobri kualker un di nos alunus, nu analiza di manera igual kes alegasons, nu muda departamentus y/ou pesual apropiadu sobri alegasons y e kondzidu un investigason, y ku bazi na konkluzons, e tomadu mididas adekuadus Mas un bes, pamo alegasons ki ta involvi alunus individual e konfidensila, nka podi kumenta spesifikamenti konkluzons ou rezultadus, mas nkre garanti nhos ki Distritu ta respondi a priokupasons di kada forum kes resebi. Obriadu pa tudu algen pa nhos parseria y apoiu kontinu pa aseura ki tusu skolas Publiku di Boston seja ambientis di aprendizajen segurus, inkluzivus y akolhedorius pa tudu dentus des.

Nta ben intregal gosi a nos reprezentatni studantil di kumite skular, Xyra Mercer, pa partilha alguns atualizason en tornu di BSAC.

Obrigadu Xyra! E ótimu odja trabadju ki BSAC ten bindu a fazi. Keli e tudu rilatóriu di nha superintendente pa és noti. Obrigadu.

Dr. Alkins pergunta kantu alunus sta ta forma na BPS. Superintendenti konkorda ku sigi ku informason.

Sr. Cardet-Hernandez solisita klareza sobri papel di Kumite skular ku akordu di DESE. Superitendenti fla ma munit itens sta inda ta ser sklaresidus legalmenti, akresentandu ki e ta spera ki BPS podi stabelesi un parseria ku Stadu, ku Stadu ta oferesi asistensia téknika na árias partikularis sima ELL y apoia a idukason spesial.

Sra. Polanco Garcia pergunta sobri Green New Deal y vizon a longu prazu di distritu pa fuzon di skolas. Superitendenti respondi ki vizon a longu prazu e fundi skolas pikinoti na dos campus skular, ta kria ifikasias y ta permiti BPS proporsiona mas opurtunidades di prugramason y enrikesimentu. Vizon pa skolas mas grandis e furnesi un garanti di kualidadi pa tudu alunus. Superitendenti sklaresi ki Kumite Skular ka ta ben ser konvidadi a vota sobri fuzons di skolasti Outubru di 2022, dipos di mes di involvimentu di kumunidade. Si aprovadus, fuzons ta binha entraba en vigor na Outonu di 2023. Superintendenti konfirma Sra. Polanco Garcia ki e ta rekumenda spanson di skolas primáriu pa un mudelu Pré-K-6. Sra. Polanco Garcia pidi un lista

**Reunion rimotu di kumite Skular di Boston
Zoom**

kuarta-fera, 8 di Junhu di 2022

di skolas ki instala filtrus di kualidadi di ar. Superitendenti fla ma infurmason sta dispunivel online na bostonpublicschools.org/Page/8810.

Denise Snyder, xefi internina di Familia y prumuson kumunitáriu, konfirma Sr. Cardet-Hernandez ki mas di 5000 alunus inskrevi pa opurtunidade di apendizajen di veron na BPS.

Dr. Alkins rekumenda feramenta di planiamentu di ikuidadi rasial na prusesu di involvimentu di kumunidadi Green New Deal Superitendenti sujiri ki se ikipa aprezentasi un relatóriu sobri instrumentu di planiamentu di ikuidadi rasial na un futuro runion di kumité skular.

Sra. Robinson fla ma prátika di distritu di konsedi aterajens sauvís a skolas en dikliniu di matríkula e insustentavel. E inkoraja lideris distrital a involvi ku kumunidadi skular sobri potensial fuzons na inisiu di prusesu. Superitendenti konkorda sobri inportansia di transparensia y di previzibilidadi pa familias. Konselhera Sénior Megan Costello fla ma familias sta ta pidi urjensia na rekursus, u ki investimentu di \$2 bilhon di Green New Deal ta ben djuda furnesi. BPS sta inpenhadu na trabadja primeru ku familias pa splora kriason di dos kanpus di kumunidadi skular y ta ben aprezenta rekumendasons a Kumité Skular na Outonu.

Sr. Cardet-Hernandez solisita linhas di tenpus klarus en tornu di frazis y markus di Green New Deal ta avansa.

Aprovadu- na xamada nominal, Kumite unanimamenti aprova Rilatóriu di Supertendenti.

KUMENTÁRIU DI PUBLIKU EN JERAL

Sigintis pesoas tistimunha a respetu di instruson y apoiu a Apendizis di Lingua Ingles (ELLs):

- Suzanne Lee, rezidenti di Chinatown y Ko-prezidenti di task Force di ELL
- Roseann Tung, rezidenti di Jamaica Plain y menbru di Task Force di ELL
- John Mudd, rezidenti na Cambridge y menbru di task Force di ELL
- Miren Uriarte, rezidenti di Jamaica Plain y menbru di Task Force di ELL

Carolyn Kain, rezidenti na Dorchester, mai di Henderson K-12 Inclusion School, tistimunha sobri priokupason di klima y kultura di skola.

Sigintis algen tistimunha ku priokupason sobri Green New Deal:

- Lauren Peter, rezidenti na Roslindale y mai di Sumner Elementary School
- Elizabeth Ferrenz, rezidenti na Roslindale y mai di Sumner Elementary School
- Mimi Lai, rezidenti na Roslindale y mai di Sumner Elementary School
- Allison Friedmann, rezidenti na Roslindale y mai di Sumner Elementary School
- Rachel Young, rezidenti na Roslindale y mai di Sumner Elementary School

Courtney Feeley Karp, rezidenti na Roslindale y mai di Henderson K-12 Inclusion School, tistimunha a respetu di prusesu di seleson di Direktor Interinu di Henderson.

Robert Jenkins, rezidenti na Mattapan y amigus di Madison Park, tistimunha a respetu di seguransa skular y di atletismu.

**Reunion rimotu di kumite Skular di Boston
Zoom**

kuarta-fera, 8 di Junhu di 2022

Michael Heichman, rizidenti di Dorchester, menbru di Boston Education Justice Alliance, (BEJA) tistimunha a respetu di amiasa di intervenson statal.

Ruby Reyes, rezidenti di Dorchester y direktor izekutivu di BEJA, tistimunha a respetu di lideransa.

Grace Hebard, rezidenti di Dorchester y staff di Henderson Upper School, tistimunha en apoiu a pesual y finansimanetu di bibliotekas skular.

Edith Bazile, rezidenti na Hyde Park, y menbru di Advogadus di Boston pa Exselensia Idukativu, tistimunha a respetu di instruson infurmadu sobri trauma.

Keyona Aviles, rezidenti na Dorchester, mai di Henderson K-12 Inclusion School, tistimunha sobri amiasa di likidason di stadu.

Deeth Ellis, rezidenti di Jamaica Plain y profesora di Boston Latin, tistimunha a respetu di bibliotekarius skularis sertifikadus y di negusiasons di kontratu BTU.

Helen Ho, mai di West Zone Early Learning Center, tistimunha sobri kulokason di Sheltered English Instruction.

RELATORIUS

United Steelworkers Local 8751 Kartas di Akordu y Pedidu de Apropiaso Suplementar FY22 y FY23 - Direktor di relasons Laboral Jeremiah Hasson prezenta rekumendason di Superintendenti pa aprovason pa Kumite Skular di dos kartas di akordu entri Prezidenti di kamara, Superintendenti, Kumité Skular y United Steelworkers Local 8751 (Kondutoris di autokarus).

Karta di akordu A:

- Kontenpla senáriu en ki BPS ta manten diferentis furnesedoris di transporti, ma dukumentus di akizison spesifika ki aktual sindikatu ta binha kontinua ta ser inpregadu pa novus furnesedoris
- Sindikatu konkorda na ka fazi grevis, parajens di trabadju ou abrandamentus

Karta di akordu B:

- Ta kontenpla senáriu en ki sidadi ou Kumite skular ta furnesi servisus di autocaru skular ku ses próprius funcionarius, en ves di através di un furnesedor, y ta binha obligaba COB/BPS a abrigo di CBA a inprega aktual sindikatu pa rializa servisus
- Sindikatu konkorda na ka fazi grevis, parajens di trabadju ou abrandamentus

Sr. Hasson tanbe prezenta pedidu di Superintendenti pa ki Kumite aprovasi un pididu di dutason suplementar FY23 Kamara Munisipa di Boston na valor di \$1,510,820 pa apoiu a aumentus di salarius y benefisius na akordu di negusiason kuletivu entri Transdev y United Steelworkers Local 8751.

**Reunion rimotu di kumite Skular di Boston
Zoom**

kuarta-fera, 8 di Junhu di 2022

Sr. O'Neill spresa otimismo di ku akordu ta ben midjora dizenpenhu pontual di autokarus.

Kumite sta ajendadu pa vota Kartas di Akordu y pedidu di dotaon suplementar FY23 na se runion di 21 di Junhu di 2022.

Prupostas di Renuvason di Inuvason - Superintendenti Adjuntu di Akadémikus Drew Echelson aprezentapropostas di renuvason di Planu di Inuvason pa sigintis skolas: Burke High School (Amilcar Silva, Lider di Skola); Eliot K-8 (Traci Walker Griffith, lider di skola); Holmes Elementary (Edverette Brewster, lider di skola); lider di skola); Muñiz Academy (Dania Vazquez, Lider di Skola); y Winthrop Elementary (Leah Blake, Lider di Skola).

Planus di inuvasone dizenvolidus pa kria kondisons ideal pa sirbi alunus. Planus ta uza diferentis autonomias di pulitikas padron. Planus orijinal e dizenvolidus pa ikipas di interesadus na skolas y aprovadus pa korpu dosenti y pa Kumite Skular. Na final di kada periudu di planu aprovalu (jeralmenti sinku anu), Kumite Skular debi vota pa renova plani. Renuvason ta mnaten planu y kondisons atual y ta inklui atualizason mas pikinoti, y nau kualker novus laterason a kondisons di trabadju.

Menbrus di Kumité fazi perguntas sklaresedoras relasionadus ku riadaptason, mudelu di skola sentral, MassCore, pesual, autunomia, y responsabilidadi, tudu es respondidus pa aprezentadoris. Kumite sta ajendadu pa vota pedidus di renuvason do Planu di inuvason na se runion di 21 di junhu di 2022.

KUMENTÁRIU PUBLIKU SOBRI RELATORIU

Ninhun.

NOVU NEGOSIU

Dr. Alkins sulisita un atualizason sobri prusesu di tranzison pa alunus deslokadus na Mission Hill K-8 Pilot School, resentimenti fitxadu, ki Superintendenti konkorda na furnesi na prosima runion.

ADIAMENTU

Apruvadu - Pa volta di 10:23 pm Kumite vota ku unanimidadi , pa xamada nominal adiamentu di runion.

Atestadu:



Elizabeth Sullivan
Sikretária Izekutiva